



Broj: 02-05-32000-7/11
Sarajevo, 22.12.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na 47. sjednici održanoj **22.12.2011.** godine, donijela je sljedeći

ZAKLJUČAK

1. Utvrđuje se Prijedlog odluke o izmjenama Odluke o usklađivanju statusa Javnog preduzeća "Kantonalna veterinarska stanica Sarajevo" sa Zakonom o javnim preduzećima u Federaciji Bosne i Hercegovine.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede
5. KJP "Veterinarska stanica Sarajevo" Sarajevo
(putem Ministarstva privrede)
6. Evidencija
7. A r h i v a



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. stav 1. tačka b) Ustava Kantona Sarajevo („Službene novine Kantona Sarajevo“ br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), člana 311 stav 2. Zakona o privrednim društvima („Službene novine Federacije BiH, br. 23/99, 45/00, 2/02, 6/02, 29/03, 68/05, 91/07 i 84/08, 88/08, 7/09 i 63/10) i Odluke o klasifikaciji djelatnosti Bosne i Hercegovine 2010 („Službene novine glasnik Bosne i Hercegovine“, broj 47/10), Skupština Kantona Sarajevo, na __sjednici od _____2011. godine, donijela je

O D L U K U

O IZMJENAMA ODLUKE O USKLAĐIVANJU STATUSA JAVNOG PREDUZEĆA
“ KANTONALNA VETERINARSKA STANICA SRAJEVO“ SA ZAKONOM O JAVNIM
PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Javnog preduzeća “Kantonalna veterinarska stanica Sarajevo“sa Zakonom o javnim preduzećima u Federaciji Bosne i Hercegovine (“Službene novine Kantona Sarajevo“ br. 30/05 ,11/06 i 13/08, 25/09 i 22/11), u članu 8. usklađuju se djelatnosti Preduzeća tako da novi član 8. usklađen sa Klasifikacijom djelatnosti Bosne i Hercegovine glasi:

Djelatnosti Preduzeća u unutrašnjem prometu su:

- 01.41 Uzgoj muznih krava
- 01.42 Uzgoj ostalih goveda i bivola
- 01.43 Uzgoj konja magaraca, mula i mazgi
- 01.44 Uzgoj deva i lama
- 01.45 Uzgoj ovaca i koza
- 01.47 uzgoj peradi
- 01.49 Uzgoj ostalih životinja
- 01.62 Pomoćne djelatnosti za uzgoj životinja
- 46.21 Trgovina na veliko žitaricama, sirovim duhanom, sjemenjem i hranom za životinje
- 46.23 Trgovina na veliko živim životinjama
- 46.31 Trgovina na veliko voćem i povrćem
- 46.38 Trgovina na veliko ostalom hranom uključujući ribe, ljuskare i mekušce
- 46.44 Trgovina na veliko porculanom, proizvodima od stakla i sredstvima za čišćenje
- 46.49 Trgovina na veliko ostalim proizvodima za kućanstvo
- 46.73 Trgovina na veliko drvom, građevinskim materijalom i sanitarnom opremom
- 46.74 Trgovina na veliko metalnom robom, instalacijskim materijalom, uređajima i opremom za vodovod i grijanje
- 47.75 Trgovina na malo kozmetičkim i toaletnim proizvodima u specijalizovanim prodavnicama
- 47.76 Trgovina na veliko ostalim poluproizvodima
- 71.20 Tehničko ispitivanje i analiza
- 75.00 Veterinarske djelatnosti

- 81.21 Osnovno čišćenje zgrada
- 81.22 Ostale djelatnosti čišćenja zgrada i objekata
- 81.29 Ostale djelatnosti čišćenja.

Član 2.

Ova Odluka stupa na snagu danom objavljivanja u „Službenim novinama Kantona Sarajevo“.

Broj: 01-05 _____

Sarajevo, _____

PREDSJEDAVAJUĆA
SKUPŠTINE KANTONA SARAJEVO

Prof. dr. Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ove odluke sadržan je u članu 18. tačka b) Ustava Kantona Sarajevo («Službene novine Kantona Srajevo», br.1/96, 2/96, 3/96, 16/97, 14/00, 4/01 i 28/04), članu 311. stav 2. Zakona o privrednim društvima („Službene novine Federacije Bosne i Hercegovine“, br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10) kojim je propisano da u društvu sa ograničenom odgovornošću koje osniva jedan osnivač, osnivački akt je odluka o osnivanju i Odluke o klasifikaciji djelatnosti Bosne i Hercegovine 2010 («Službeni glasnik Bosne i Hercegovine», broj 47/10) kojom su propisane klasifikacijske djelatnosti Bosne i Hercegovine.

RAZLOZI ZA DONOŠENJE

Odlukom o klasifikaciji djelatnosti Bosne i Hercegovine 2010 propisane su klasifikacije djelatnosti Bosne i Hercegovine, sa nazivima i šiframa djelatnosti koje obuhvataju područja, oblasti, grane i razrede ekonomskih djelatnosti („Službeni glasnik Bosne i Hercegovine“, broj 47/10).

Klasifikacija djelatnosti je u potpunosti preuzeta statistička klasifikacija ekonomskih djelatnosti Evropske Unije – NACE Rev.1.1 i uporediva je sa međunarodnom standardnom industrijskom klasifikacijom svih ekonomskih djelatnosti Ujedinjenih naroda – ISIC Rev.3 i ista se primjenjuje na teritoriji Bosne i Hercegovine i upotrebljava se kao obavezan standard u službama i drugim administrativnim zbirkama podataka.

U cilju usaglašavanja predmetne Odluke sa Odlukom o klasifikaciji djelatnosti Bosne i Hercegovine 2010, predlažemo Skupštini Kantona Sarajevo donošenje naprijed navedene Odluke.

ostatata, proizvoda životinjskog porijekla, hrane za životinje i otpada".

Član 3.

U članu 12. stav 2. mijenja se i glasi:
"Statutom Preduzeća propisuju se statutarne rezerve, utvrđuje namjena i način njihovog korištenja".

Član 4.

U članu 17. alineja 1. briše se.
Dosadašnja alineja 2. postaje alineja 1.
Dosadašnja alineja 3. postaje alineja 2 i mijenja se i glasi:
"predlaže kandidate za odbor za reviziju u skladu sa Zakonom".

Dosadašnja alineja 4. postaje alineja 3.
Dosadašnja alineja 5. postaje alineja 4. i mijenja se i glasi:
"daje mišljenje Skupštini o prijedlogu Uprave o rasporedu dobiti".

Dosadašnja alineja 6. postaje alineja 5. i mijenja se i glasi:
"imenuje i razrješava Upravu u skladu sa Statutom preduzeća".

Član 5.

Član 19. stav 2. mijenja se i glasi: "Prilikom imenovanja članova Nadzornog odbora, primjenjivat će se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta Preduzeća".

Član 6.

U članu 23. stav 2. alineja 4. riječ "profita" zamjenjuje se riječju "dobiti".

U stavu 4. riječi: "Upravu bira Nadzorni odbor većinom glasova" zamjenjuje se riječima: "Uprava se bira, imenuje i razrješava u skladu sa postupkom utvrđenim u Statutu Preduzeća".

Član 7.

Član 28. briše se.

Član 8.

Član 32. mijenja se i glasi:

"Član 32.

Preduzeće ima Skupštinu koja se sastoji od predsjednika i dva člana.

Mandat članova Skupštine Preduzeća je dvije godine.

Predsjednik i članovi Skupštine Preduzeća imaju pravo na naknadu za svoj rad, koja se utvrđuje Odlukom Vlade Kantona Sarajevo.

Imenovanje i razrješenje predsjednika i članova Skupštine Preduzeća vrši se na način da iste, na prijedlog Ministarstva privrede Kantona Sarajevo, uz saglasnost Vlade Kantona Sarajevo, potvrđuje Skupština Kantona Sarajevo.

Proceduru imenovanja predsjednika i članova Skupštine Preduzeća provodi Ministarstvo privrede Kantona Sarajevo, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Skupština Preduzeća dužna je u roku od 15 dana od dana imenovanja usvojiti Poslovnik o radu Skupštine.

Razrješenje predsjednika i članova Skupštine Preduzeća vrši se na način predviđen stavom 4. ovog člana, proceduru mogu pokrenuti Ministarstvo privrede, Vlada Kantona Sarajevo i Skupština Kantona Sarajevo.

Organi Preduzeća podnose izvještaj o radu Preduzeća, Vladi Kantona i Skupštini Kantona Sarajevo, kao osnivaču."

Član 9.

Statut Preduzeća uskladiće se sa odredbama ove Odluke u roku od 30 dana od dana njenog stupanja na snagu.

Član 10.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23462/09
3. septembra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i člana 10. Odluke o osnivanju skupština javnih preduzeća čiji je osnivač Kanton Sarajevo, broj 01-05-23451/09 od 3. septembra 2009. godine, Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA "KANTONALNA VETERINARSKA STANICA SARAJEVO" D.O.O. SARAJEVO

I.

Ovom Odlukom potvrđuje se imenovanje vršilaca dužnosti predsjednika i dva člana Skupštine Kantonalnog javnog preduzeća "Kantonalna veterinarska stanica Sarajevo" d.o.o. Sarajevo (u daljnjem tekstu: Skupština Preduzeća), i to:

1. prof. dr. JOSIP KRNIĆ, vršilac dužnosti predsjednika Skupštine,
2. BEJAMIL ŠARIĆ, vršilac dužnosti člana Skupštine,
3. MERIMA KURTOVIĆ, vršilac dužnosti člana Skupštine

II.

Vršioći dužnosti iz tačke I. ove Odluke imenuju se na period do donošenja odluke o konačnom imenovanju.

III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23462-1/09
3. septembra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 20. Zakona o izmjenama i dopunama Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLADIVANJU STATUSA KANTONALNOG JAVNOG PREDUZEĆA ZA GOSPODARENJE DRŽAVNIM ŠUMAMA "SARAJEVO-ŠUME" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

Član 8. Odluke o uskladivanju statusa Kantonalnog javnog preduzeća za gospodarenje državnim šumama "Sarajevo-šume" d.o.o. Sarajevo sa Zakonom o javnim preduzećima u Federaciji

U slučaju iz člana 297. tačka 1. ovog zakona likvidaciju dioničkog društva vrši uprava, a u slučaju iz člana 297. tačka 3. sud imenuje likvidatora.

Član 301.

Od dana donošenja odluke o prestanku, organi dioničkog društva rade u skladu sa odredbama zakona kojim se uređuje postupak likvidacije.

Komisija ili sud može postaviti skrbnika društva, koji obavlja poslove vezane za likvidaciju, a organi dioničkog društva postupaju samo po nalogu skrbnika.

Član 302.

Uprava ili likvidator dioničkog društva dužni su objaviti najmanje u jednom domaćem dnevnom listu da je pokrenut postupak likvidacije, tri puta od dana donošenja odluke iz člana 300. ovog zakona, u razmacima od 15 do 30 dana.

Objavještenje iz stava 1. ovog člana obavezno sadrži poziv povjericima da prijave potraživanja, najkasnije tri mjeseca od dana posljednjeg objavljivanja.

Objavještenje iz stava 1. ovog člana uprava ili likvidator dužni su uputiti poznatim povjericima pojedinačno.

Član 303.

Likvidator je dužan, najkasnije do kraja poslovne godine u kojoj je pokrenut postupak likvidacije, sačiniti i podnijeti skupštini na odobrenje početni likvidacioni bilans.

Skupština dioničkog društva je dužna istovremeno sa odobrenjem početnog likvidacionog bilansa razriješiti nadzorni odbor i upravu.

Likvidator je dužan na kraju poslovne godine skupštini podnijeti bilans stanja i bilans uspjeha i izvještaj o toku likvidacije.

Član 304.

Likvidator je dužan okončati tekuće poslove dioničkog društva, naplatiti potraživanja, unovčiti ostalu imovinu i izmiriti obaveze društva.

Član 305.

U toku likvidacije ne može se povećavati fond rezervi dioničkog društva.

U posebne rezerve za zaposlene unose se prihodi utvrđeni odlukom o obrazovanju tih rezervi, koje se ne mogu koristiti za namirenje povjerilaca i dioničara prije ispunjenja obaveza po tom osnovu prema zaposlenim.

Član 306.

Likvidator je dužan deponovati na posebnom računu novac potreban za izmirenje:

- 1) poznatih obaveza za koje se povjerioci nisu prijavili;
- 2) obaveza koje nisu dospjele;
- 3) spornih obaveza.

Po isteku godine dana od trećeg objavljivanja obavještenja iz člana 302. stav 1. ovog zakona, iz imovine preostale nakon izdvajanja iz stava 1. ovog člana, isplaćuju se dioničari, u skladu sa pravima sadržanim u dionicama.

Ako imovina dioničkog društva nije dovoljna za isplatu punog iznosa uplata dioničara, imovina se dijeli srazmjerno izvršenim uplatama.

Likvidator je dužan deponovati pripadajuće iznose iz st. 2. i 3. ovog člana koji dioničarima nisu isplaćeni na posebnom računu.

Član 307.

Likvidator je dužan nakon provedenih radnji iz čl. 304. i 306. ovog zakona sazvati skupštinu dioničkog društva i podnijeti završni obračun.

Član 308.

Izmirenje obaveza dioničkog društva za koje likvidator nije znao i koje povjerioci nisu prijavili u roku iz člana 302. stav 2. ovog zakona, može se zahtijevati samo iz deponovanog novca koji nije isplaćen dioničarima.

PETI DIO: DRUŠTVO SA OGRANIČENOM ODGOVORNOŠĆU

I - OPĆE ODREDBE

1. Pojam

Član 309.

Društvo s ograničenom odgovornošću je društvo čiji je osnovni kapital podijeljen na udjele.

Za obaveze društva s ograničenom odgovornošću član društva odgovara svojim udjelom.

Udjeli osnivača društva s ograničenom odgovornošću mogu biti različiti, a svaki osnivač može steći samo jedan udio.

Član 310.

Odredbe ovog zakona o dioničkom društvu primjenjuju se na društvo s ograničenom odgovornošću, ako posebnim odredbama ovog zakona nije drugačije određeno.

U društvu s ograničenom odgovornošću koje nema nadzorni odbor njegova ovlaštenja vrše članovi društva.

2. Osnivački akt

Član 311.

Društvo s ograničenom odgovornošću osniva se ugovorom u pismenoj formi koji zaključuju osnivači, čiji potpisi se ovjeravaju u skladu sa zakonom.

Kada društvo s ograničenom odgovornošću osniva samo jedan osnivač, osnivački akt je odluka o osnivanju.

Član 312.

Ugovor iz člana 311. stav 1. ovog zakona može potpisati punomoćnik osnivača na osnovu punomoći koja se prilaže ugovoru, a kojom je punomoćnik izričito ovlašten za taj posao i na kojoj je potpis vlastodavca ovjeren zakonom.

Član 313.

Osnivački akt društva s ograničenom odgovornošću obavezno sadrži:

- 1) ime i prezime i adresu prebivališta ili firmu u sjedište osnivača;
- 2) firmu, sjedište i djelatnost društva;
- 3) iznos osnovnog kapitala društva, iznos uloga u novcu, opis i vrijednost uloga u stvarima i pravima, broj i visina udjela članova;
- 4) prava i obaveze članova društva;
- 5) postupak u slučaju kada neko od osnivača ne uplati svoj udio do ugovorenog roka ili ne ispunji drugu obavezu;
- 6) način izmirenja troškova osnivanja društva;
- 7) imenovanje lica ovlaštenih za vođenje poslovanja i zastupanje društva i prijavu za upis osnivanja društva u sudski registar;
- 8) posljedice neuspjelog osnivanja;
- 9) posebnu odredbu ako se društvo osniva na određeno vrijeme.

3. Osnovni kapital

Član 314.

Osnovni kapital društva s ograničenom odgovornošću s više osnivača iznosi najmanje 10.000 (deset hiljada) KM, a s jednim



Godina XIV
Utorak, 8. juna/lipnja 2010. godine

Broj/Број
47

Година XIV
Уторак, 8. јуна 2010. године

ISSN 1512-7486 - bosanski jezik
ISSN 1512-7494 - hrvatski jezik
ISSN 1512-7508 - srpski jezik

**AGENCIJA ZA STATISTIKU
BOSNE I HERCEGOVINE**

Na osnovu čl. 6. i 9. Zakona o klasifikaciji djelatnosti u Bosni i Hercegovini ("Službeni glasnik BiH", br. 76/06, 100/08 i 32/10), Agencija za statistiku Bosne i Hercegovine, donosi

**ODLUKU
O KLASIFIKACIJI DJELATNOSTI BOSNE I
HERCEGOVINE 2010**

**Član 1.
(Predmet Odluke)**

Ovom Odlukom propisuje se Klasifikacija djelatnosti Bosne i Hercegovine 2010 (u daljnjem tekstu: Klasifikacija djelatnosti BiH 2010), sa nazivima i šiframa djelatnosti koje obuhvataju područja, oblasti, grane i razrede ekonomskih djelatnosti, koja će se primjenjivati na teritoriji Bosne i Hercegovine.

**Član 2.
(Upotreba Klasifikacije djelatnosti BiH 2010)**
Klasifikacija djelatnosti BiH 2010 iz člana 1. ove Odluke upotrebljava se za određivanje djelatnosti, odnosno za sva razvrstavanja po djelatnostima poslovnih i drugih subjekata i njihovih dijelova za potrebe statistike, različitih službenih i drugih administrativnih zbirki podataka (evidencije, registri, baze podataka i sl.).

**Član 3.
(Hijerarhijski nivoi Klasifikacije djelatnosti BiH 2010)**
Klasifikacija djelatnosti BiH 2010 sastoji se od četiri hijerarhijska nivoa koja su označena na sljedeći način:

- područje (označeno jednoslovnom abecednom šifrom),
- oblast (označena dvocifrenom broječanom šifrom),
- grana (označena trocifrenom broječanom šifrom),
- razred (označen četverocifrenom broječanom šifrom).

**Član 4.
(Sastavni dio Odluke)**

Sastavni dio ove Odluke čine:
a) Klasifikacija djelatnosti BiH 2010,
b) Klasifikacija djelatnosti BiH 2010 sa objašnjenjima,
c) Metodologija za statističku primjenu Klasifikacije djelatnosti BiH 2010.

**Član 5.
(Prestanak primjene prethodne Odluke)**
Odluka o Klasifikaciji djelatnosti Bosne i Hercegovine ("Službeni glasnik BiH", broj 84/06) prestaje da važi od dana primjene ove Odluke.

**Član 6.
(Stupanje na snagu i objavljivanje Odluke u "Službenom glasniku BiH")**

Ova Odluka stupa na snagu danom objavljivanja u "Službenom glasniku BiH", a primjenjuje se od 1. januara 2011. godine.

Broj 1344/10
19. maj 2010. godine,
Sarajevo

Direktor
Zdenko Milinović, s. r.